

۱۵ جمادی الاخره ۱۳۳۱

پنجشنبه

۹ مایس ۱۳۲۹

نومرو ۲۳ — ۲۴

نسخه سی ۲۰ پاره در



امور اداره و تحریر و اعلانات و سائرہ ایچون مدیر
مسئولہ مراجعت ایدللبدر .

ابونہ سی بر سنہ لك اعتباریلہ ممالك عثمانیہ ایچون
اون بش و ممالك اجنبیہ ایچون ۲۰ غروشد .

مرقای امنك مقالات متصوفانہ لرینہ جریدہ
صوفیہ لك صحیفہ لری آجبقدر .

محل اداره باب عالی جوارنده ابوالسعود جاده سنده
نجم استقبال مطبعه سی

شمذیلک اون بش کونده بر نشر اولنور

تصوفی ، دینی ، اخلاقی ، سیاسی جریدہ اسلامیہ در

قال عمر بن الفارض رضی الله

وعمرت اوقاتی بورو لوارد وصحت لسمت واعتكاف الحرمه
ترجمه ذکر ایله روحانیت ، سکوت ایله حسن هیئت
اعتكاف حرمت قازانقی ایچون اوقانمی مامور ایلدم .
مشاهیر اولیا و عشاق الهیهدن حضرت عمر بن الفارض
رضی الله عنه حضرتارینک قصیده نایه سندن بولنان بو نظمده
اشارت بیورلدینی اوزره دنیوی و اخروی امور خیره واصل
اولقی ایچون طریق حقه استقامت و محافظه حدود ایله وجود
بوله جفتی توضیح و « احفظ الله بحفظك » حدیث شریفی ده
بونی تأیید ایتمکده در : سلف صالحین و اولیای عظام حضرتارینک
حال و شانلری ایسه دائما حدود الهیهی محافظه و استقامت و ثبات
ایلمکدن عبارتدر . از جمله بر مثال امتثال اولقی اوزره امام الهمام
قطب صمدانی اکمل اولیا مقبل کف جناب رسالتپناهی بولنان
حضرت سید احمد الرفاعی رضی الله عنه افندمن حضرتارینک
نفس نفیس مسمومانلری اصلا دنیایه راغب اولمدلری حالده
دنیا کندیلرینه اقبال و توجه ایتمش و بوتوجهی متعاقبینه رغبت
ایتمیرک بتون محتاجین و فقرایه توزیع و اعطا ایتمکدن هیچ بر آن

کیرو طور میوب اثر جلیل رسالتپناهی به بصورتلده افتقا و اقتدا
ایتمش ابدی .

جناب ذوالجلال مرتبه عز و رفعتك اك بوكسك و مرتفع
طبقه سنی احسان بیورمن اولدینی حالده بتون خلیفه لر و پادشاهار
حضورنده فوق العاده تواضع ایتمکله اکتساب فیض ایدرلر ایکن
نفس نفیس جلیله لری بالذات خانه سعادتلرینه کلان مسافرلرینک
خدمتارینی ایفا و قدم شریفلرینه مخصوص اولان ایاق قابی سوکولسه
و یاییرتیلسه بالذات کندیلری تعمیر و حتی خانه سعادتارنده کی
حطیدن خدمه دن هیچ بریسنه تکلیف ایتمکمزین براییه باغلا یوبده
فقرا و طول قادینلرک اولرینه قدر کورتورمکی التزام و حین حاجتده
اعمالك ایاق قاپلرینی کیدیرر و انشای طریقده بوناره تصادف
ایدرسه محل مطالبونه ایصال بیورورلر ابدی .

صورتندن رونمادر پاك طبعك سیرتی

والحاصل حضرت احمد الرفاعی ترك هوا به موفق بر مرد
پاکیزه خصالدر .

سرزهوا نافتن از سروریت

ترك هوا قوت پیغمبریت

مابعدی وار

عینتابی شاکر

الکیمیات

بخل و ایشار

ایتم ای ذات پسندیده ضمیر
بخل و ایشاری بیان و تحریر
اوقو دقتله آچیق یازدم بن
بخل و ایشار ، نه دیمکمش اوکرن
ایله تحصیل مزایای ادب
اوله بد خوی و دنیالمشرب
ایله اخلاقی هر دم تصحیح
اول سخاوتلی فنی اوله شحیح
بر قرار اوزره دکل حال جهان
منحول مهادی ازمان
بویله در حال جهان فانی
اکا بل باغلمه جانم جانی
سکا بر درس حقیقتدر بو
لفظ (انبال) ی هله صولدن اوقو
آکلا متناسقده اقبالک
کدر ایتمه دکشیرسه حالک

بکر اموال جهان الدن اله
کیده چک ماملکک سندن ایله

سندگی مال و نقود و جوهر
ابدی سنده قالیر صانمه ، کیدر

فائل اوله بو جهانندن بر کون
سنی البت ایدم چکلر سورکون

اعتماد ایتمه جهاننه چاهه
سنی بر کون آنه چقلر چاهه

مالک اولادکه لابد قاله جق
فلک احسانتی سندن آله جق

دالفاو قورله آنی اولادک
یه جهک قالا به جق ایرادک

آز زمانده اوله جقدر نابود
طوبلانان ، درلو مزاجله نفود

بونلری بویله تفکر ایدرک
دار عقباتی تذکر ایدرک

الده فرصت وار ایکن ای قاری
ایله تحصیل رضای باری

خیره مرف ایلده کور سیم و زرک
قاله حالده سنکده اثرک

یاردم ابت ملت و اهل دینه
نظر ابت اطفاله محتاجینه

وطن و ملت ایلله امداد
که ایدم خلق سنی خیرله یاد

محسن اول معتبر اول اوله بخیل
بخل و خست ایدر انسانی ذلیل

بخلانک یری غیاء الیم
اسخباتک آوی جنات نعیم

هنر و علم و ادب ، جود و سخا
آدمک عیبی ایلر اخفا

نه قدر وارسه عیوب و نقصان
جیمربلاک آنلری ایلر اعلان

نه قدر ذکر و عبادت ایتسه
مکبه کعبه به هر ییل کیتسه

وارسه قلبنده اگر بخل قلیل
آله مزه ذره قدر فیض ، بخیل

نه فلاکت که بخیل بدکار
یز ۱ ایچمز ، اویوسز لیل و نهار

چالبشیر بوتقی ایچون دنیایی
اونودر دغدغه عقباتی